

地 260.139
32
: 1~8

潛江縣志

| | | | | | | |
|----|----|----|-----|----|-----|-----|
| 卷首 | 地圖 | 凡例 | 卷之一 | 縣紀 | 卷之二 | 天官志 |
|----|----|----|-----|----|-----|-----|



~~~~~



康熙三十三年輯修

濟江縣志

本衙藏板翻刻必究



潛江縣志序



粵自禹功底定則壤賦成於  
是職方有志王會有圖而侯  
甸要荒無不登天府而羅指  
掌迨乎封建既廢郡邑區分  
漢興入關爭先圖籍則皇輿  
所載豈非總核天下者之大  
要哉我

潛江縣志

卷首 岳序

一

國家振起維新撫有函夏方今  
聖明在御兩葉重熙率土向風已  
盡海隅日出之地爰

命幃幄大臣啓天章之秘閣輯一



統之成書非徒潤色太平實  
臨馭萬方大法大經之所寄  
也雖然天下者郡國之所積  
也郡國者又州邑之所積必  
州邑之書成而天下之書始  
不患其無成矣楚地稱雄南

紀素爲輿區從來問俗採風  
過都歷塊者無不致其流連  
憑弔之意余以茲春銜

命視學此方論文課士之餘時  
得與賢有司相接見往往挾  
其邑乘以爲羔雉余爲之展



帙批圖蓋不啻臥遊而選勝  
云無何抵於郢境而潛江固  
郢之屬邑也邑令劉君亦以  
其所爲邑乘問序於余余受  
以卒業始知此卷成帙有年  
而剞劂未就劉君之志殆將

竟前人之業而成不朽之盛  
者乎乃因之有所感焉自邑  
乘成帙以至於今固已幾經  
歲月止浮沉於存亡有無之  
間至此始得輯其缺畧壽之  
棗梨非有過人之材識其能



若是歟是劉君者固有以佐  
一統之全書報循良之最績  
而余當此地方且跼蹐鉛丹  
無才賦記亦聊藉此一二言  
以代俯仰無窮之思可乎是  
爲序


康熙歲次甲戌仲秋

督學使者岳宏譽題





重修潛江縣志序



嘗記吾師阮亭王先生之言曰海內邑志最善者無踰義烏而黃潛王先生又亟稱武功義烏志出黃文獻潛手武功志出康修撰海手俱以邑人修邑志辭簡而核旨約而嚴蓋謂得其人志其事而始足傳也予質鈍以蒙少曾涉獵經

潛江縣志

卷首 朱序

史長游京洛從學於二王先生竊聞其論古今得失上而墳典丘索下而志傳表紀躬承指授十年於茲念久違養兩親鼓柵南歸時邦大夫清澗劉侯令吾邑三年矣政教翔洽百廢具舉顧邑志之未修謬以編輯見屬予遜謝未敢承侯重辱使命曰昔萬曆間前令潘公修



縣志也副使歐陽公待御劉公西鄉令  
李公實共厥事今君拒之爾爾豈不潘  
令我乎同里諸學士大夫亦遣劄使曰  
百年典章君所習諳先達名公卿待論  
定者幾何人與革利病待酌定者幾何  
事願勿違使君之請先君子呼載震命  
之曰而不憶邵陽公修志乎于役蒐討

老人有一日之勞大業未竟將恐遺憾  
地下今得賢使君修明自任宿願可售  
而奈何逡巡不赴乎義不敢再辭侯遂  
以載震姓名聞之

臺憲郡伯諏期赴局檢舊志尋繹爰知修  
輯之不易吾潛尤甚焉潛志旃輯爲豐  
城崔公繼輯爲婺源潘公三輯爲邵陽



王公崔志紀述弗備闕漏恒多始宋乾  
德迄明成化志僅一帙抑何陋與潘志  
視崔則進矣王公之志先君子與邁無  
向公共事編纂論次精體例備王公方  
欲校二家論斷以題畫一而掖垣

命事無暇卒業向公與先君子各屏跡荒村  
書迄無成夫居今而知上古以有圖史

潛江縣志

卷首 朱序

三

之可稽也今志乘簡畧若此一邑之  
華豈能憑虛臆斷乎古人國史之無  
類叅家乘吾邑鉅公碩輔代不乏人歲  
月淺遠孫子散亡無從問其譜牒間有  
存者而其後什襲之不以示人甚且令  
子慈孫欲表彰其先世以鴻儒石隱忠  
節孝義紛紛踵告概徇所請何堪傳信



潛濱河而處其民皆窳鮮蓋藏吏善因緣爲奸蒞斯土者愷悌之績簡不勝書而虐民稅政亦復不少將錄其實恐涉質直以中所諱顧前事者後事之師不縷悉其臧否後人何所鑒戒而觀法乎予搦管踟躕深懼有負任使賴侯以虛明之懷精嚴之識時相訂晰其名蹟災

祥土風典禮諸條有往事之可徵者則筆之否則寧闕其疑勿蹈附會其士女之懿行往徵諸故籍近攷之鄉評匪是勿收以滋冒濫其歷政之設施某也得其也失孰爲廢孰爲興必核必信不浮夸不曲諱以侈鋪陳每一卷成侯與予必反覆點勘而後授梓未嘗瞻顧於楮



墨之間閱寒暑而竟事夫潛六百年來  
其賢侯之炳烺者崑山朱公均徭築城  
以衛民生邵陽王公清田賦禁協夫以  
除民害皆萬世利也若夫合累志爲筆  
削著百代之勸懲則清澗劉公之功德  
又並崑山邵陽而三之矣所媿者予鹿  
鹿研北得執筆操鉛以從公不朽語曰  
蒼蠅千里附騏驥而致之者殆公與予  
之謂與

潛江縣志

卷首 朱序

五

康熙甲戌夏五上浣邑人朱載震拜手謹撰





重修潛江縣志序

聞之周禮外史氏掌四方之志大司徒職邦國土地之圖辯其疆域廣輪丘陵墳衍九穀五特之土宜施之十有二教以均齊天下之政焉後世

潛江縣志

卷首 劉序

一

郡邑志乘卽周外史所掌也政府監修卽周大司徒所職也但敘述典而有則紀載信而不誣後之視前不無時代升降之感矣

今上御宇旣久窮海臣服黑齒雕



題重譯來王文德武功遠  
唐虞

詔直省各以其志上

宣付詞臣彙爲一統志百爾守令

挾藻競陳余不敏荷蒙

簡命來蒞潛土答其井里凋殘於

潛江縣志

卷首 劉序

二

河伯視其黔首敝劫於庸調

典型淪亾邑乘漫漶詢諸二

三者耆老迺知潛建邑自宋乾

德迄今六百年矣志之修輯

纔三見焉成化則豐城崔廣

文萬曆則邑令潘公伯和



本朝則前令王公黃潛崔潘二志  
其詞畧其義簡質勝之弊難  
爲兩賢無譏焉王公之志討  
論詳矣辭采贍矣第視草未  
屬專家體例遂致互異有複  
有漏是亦白璧微瑕美錦片  
書而青瑣

潛江縣志

卷首 劉序

三

類也王公方欲考閱以成完  
命下就徵車以去繼者無暇披覽  
每逢

憲司徵取但命胥史胡盧鈔謄  
應故事而已魯魚混淆卷頁



倒置寢假至不可讀嗟乎邑  
乘者

國史之權輿也其可因陋就簡而  
不爲之改圖乎劉知幾曰文  
士多史才少發凡舉例任難  
輕畀謀諸鄉先生博士弟子

僉曰朱君悔人譽擅三長昔  
嘗與其太公石戶先生于役  
王公之志者也使君以禮延  
致之承家學修舊典新邑乘  
三美具焉朱君其必無辭余  
心儀朱君久矣戚戚有獲亟



以朱君名請于

上咸報可爰開局傳經書院朱君固辭凡數往而後至取新舊三志損益折衷之成書二十卷離其目爲若干肇始于癸酉春訖事于甲戌夏豈樂

爲是透遲哉蓋至詳且慎也雖然言志于今日亦綦難矣天官輿地有志保無有引星經而濫書瑞應越畛域而橫稱勝蹟者乎學校饗祀有志保無有釋奠之文弗詳于類



藻祈報之義不講于明禋者  
乎縣紀志矣而沿革異制建  
置志矣而興廢異時風土志  
矣而俗殊汚隆產別物利其  
條分而縷悉者誰乎賦役以  
經國河防以利民志詎可忽

歟顧稅歛不一條疏排不一  
法求其情關民瘼戒謹衣袵  
洞然于胷而瞭然于筆者亦  
未數數見也蒞治之賢否莫  
重于官師閭黨之勸鑒端視  
乎先進則秩官選舉人物三



者尤宜加詳焉然忠節循良  
名賢隱逸稽之遠古槩難多  
得今論吏治則人盡卓魯攷  
德行則戶是顏曾老而發者  
以節名貴而休者以隱著甚  
者莠文一志原以紀地方利

病著經濟遠猷是不可濫收  
也今則視崇庠以爲去取鄙  
言惡札連篇繇繹人物莠文  
至今何獨盛也修志如此而  
欲具裁于史館昭信于來世  
良亦難矣然豈所以語朱君



哉朱君久讀東觀書天下通  
志無不流覽義例燉惡燭照  
計數故今者橐筆事期乎信  
議採乎公文法乎古前賢之  
功在桑梓而湮沒者攷諸家  
譜以表揚之列傳品題而未

當者徵諸碑乘而論定之刪  
譌正舛搜索精嚴間有疑義  
與余不憚往復質論不市恩  
不恤怨庶幾古良史遺風焉  
余承乏潛江閱今五載凜凜  
焉時負曠官之懼是役也上



副

聖天子一統同文之盛下舉數十  
年微顯闡幽之典余亦藉手  
朱君可告無罪矣書成余捐  
薄俸以壽梨棗命吏扃鑰藏  
弄所望後之君子讀斯志者

勿徒視爲紙上空文農桑是  
課不使有荒蕪之土田生聚  
維勤無致有虛耗之戶口念  
民情之愚而化導之恤士氣  
之衰而興作之剔奸布惠酌  
古往時俾荒陬僻壤皆歌樂



土將鴻勛駿業與潛之川林  
原隰輝映不朽豈非厚幸與  
昔

康熙三十三年歲次甲戌夏五月

之吉

邑令金明劉煥撰

江蘇縣志

卷首 劉序





重修潛江縣志敘

清澗劉公蒞潛五年矣本休休惇大之  
懷而識裕才優振綱挈領百度聿興自  
公之餘取邑志反覆尋玩見其篇次散  
漫字句脫誤如蟲書鳥跡之不可讀非  
所以信當代昭來禋也作而曰邑有志  
猶家有乘國有史雖記事之書要皆有

潛江縣志

卷首 宋序

風厲之旨焉嗣而葺之此最今日急務  
但其學其才其識非其人莫任博採名  
宿僉以邑紳朱君悔人對爰治傳經書  
院三徑迎致之朱君通儒也探四部之  
精蘊蠟屐畫舫踪跡徧南北爲

輦下諸公所推授書國塾金張小侯多出其  
門今需次家食屈於大夫聘使乃博蒐



遺書周咨故老閉戶澄觀筆削校讐閱  
寒暑而志成其辨而不華則司馬也其  
詳而有體則孟堅也其矩矱則一本於  
紫陽一俊循環之未嘗不流連三歎也  
今天子以天縱之姿振斯文之統萬國咸寧  
徵文考獻豈容或畧若潛之今志凡數  
十年來政治之得失文質之損益人物

之迭興謠俗之屢變數取其詳義歸於  
確朱君有詞皆大夫命之也行將上之  
當宁儼然古名臣陳水旱而奏豳風至於繕  
寫之工裝潢之肅亦深得涑水進通鑑  
遺意於此見我公事

君之敬焉謹按凡例於修渠墾田興學勸士  
數大務尤爲加意蓋潛以澤稱淤決利



害之故大矣公數馳單車越陌度阡  
民計桑土又以人倫明而人才盛未有  
不由於學校者以特鳩庀

廟貌燁赫夫隄防固則城池戶口田賦物產  
舉視諸此學校修則選舉名賢奉義節  
烈舉視諸此今志所書孰非公之力興  
富教足以法今而傳後者不啻父母之

爲子孫計久遠也於此歎我公愛民之  
誠焉嘗讀緇衣之詩膾炙千古以其虛  
懷樂善也今朱君雖潔清自好謝絕餽  
遺而公適館之忱極忠且敬專其委任  
而不間以人言暇輒慰勞預證決焉志  
成以助政教以表風俗人謂言氏之有  
澹臺今猶夫昔也於此歎我公好賢之



雅焉且賢如朱君具有三長復備三善  
克禪名教益令人歎服不置聞康熙壬  
子邵陽王公之志潛也延朱君太公石  
石先生共事編摩未脫草而王公擢諫  
垣去故迨無完書石石先生居嘗悒悒  
今地下之人慰矣若談之有遷彪之有  
固所以繼父志也朱君之學師承邵陽

者也昔邵陽令潛多善政時會遷移漸  
更故轍朱君理其志而修復之凡所設  
施俾無隕墜所以闡師學也李子世儒  
爲朱君研席交才逸行端玉樓蚤赴名  
幾湮沒弗彰朱君特微顯闡幽協於公  
論所以篤友誼也嗟乎文章一道至史  
尤難家孟季俱忝列史職期是非不謬



於聖人常以弗克勝任是懼一俊膺潛  
鐸幸逢盛典以朱君之學之才之識雖  
有東里無所施况一俊負質樸魯其敢  
妄肆是非於丹黃之下耶惟樂其成而  
據蠹管之所及者質言以書諸末簡若  
大夫之鴻猷異政他日彪炳海宇自有  
旂常竹帛與掌

潛江縣志

卷首 宋序

五

國史者大書特書豈余詹詹小言所能罄  
其萬一乎謹序

潛江縣儒學訓導黃岡宋一俊拜撰





潛江縣誌序

潛江縣新誌者君侯清澗劉公慨然有事於前侯邵易王公垂成之典暨邑大儒石戶朱先生應聘而出其腹笥薈聚揚摧規撫犁然具矣無何邵易公入諫垣塉黷之氛孔熾朱先生遯荒攝疴無暇命子墨所存藁本僅數卷在架閣者

潛江縣志

卷首 莫序

一

率漫漶無倫脊吾鄙未嘗不太息於斯焉至是君侯以禮爲羅專屬之先生長公吾友朱悔人氏廼克負厥考之重荷師承邵易公大指恢廓光大之而成是書也君侯涖惠吾潛閱五稔振興綏乂式誥且舞延登簡在之需時重念潛雖藪澤介江漢之漕支郢髀荆曩者疆事



之不虞輸輓郵頓所忝集墟疏而善徙  
歲歲與蠲獮爭命下農終其鉏耨乏車  
牛遠服之利窶人子乾餼不給或漸於  
器縫掖守佔畢維謹淵源濡染不乏方  
聞之士而謹諱以煩觸捷者不恒有此  
其大較也邑誌之弗修自萬曆中葉迄  
今且八九十年時亟變而事彌滋凡邑

土田之俄沃俄磽戶版之倏盈倏縮租  
挈踐更之或均或賊先賢士大夫之肇  
畫指陳者或語而弗詳變故以來教魄  
貞媛之扞蘿嬰荼者或堙而弗燿苟掌  
故之罕備其何能國君侯之汲汲爲已  
任也固定君侯惇敏肅括布施之優裕  
謐如也迺時時屏騶御就館局中與悔



人敷衽細論參伍絜量勿狃於膠柱勿  
哆於更絃比周勿徇浮聲勿獵凡誌一  
事必闡發其處置是事之宜誌一人必  
推見其人歲久論定生平不欲自白之  
至隱俾司牧者讀之喟興其忠勤利民  
之志而大書特書媿慝貞衰之故尤足  
以祈進滌濯交勉於善而不勅倘輶軒

使者采謠俗以上於

天子昭其戒董風示州郡大小侯聿底於由  
庚無難邑乘之良不誠與左右史相表  
裏矣乎若作梓材維君侯式樸斲之維  
悔人式丹雘之展采之實與行遠之文  
交鬯而競爽洋洋焉疊疊焉眎楚國舊  
典長沙襄陽諸紀載蔑如矣或有獻疑



於予者謂章楓山誌蘭谿康德涵誌武功纔百餘版耳到於今稱之文之繁簡宜何居予所然而笑是知鳧脰之不可以續而不知鸛脰之不可以斷也司馬子長記二千餘年事文成數十萬言班孟堅記二百餘年事文成亦數十萬言蓋眎遠者識修短眎邇者辨黔皙非目

治之有費與勿費也勢則然也夫文繁簡豈一端而已亦其言之各有當也議者廼欲取隆萬以前之鞞籥律啟禎以後之宮懸何其固歟海內知言之君子不乏君山玄晏其人者析羽注旌蔚爲弁首非埜人老且眊所克勝任也姑識其端委於末簡云



康熙三十有三年龍集甲戌星虛之次  
邑人八十叟莫與先琴誤



潛江縣志

卷首 莫序

五



潛江縣志舊序

記事者必提其要今既因邑以作志凡百皆統于邑必首之以分野次之以輿地其縣治公署物產貢賦學校人材禮樂風俗祀典文獻忠義名節必皆次以書之然後綱舉目張燦然可觀又曰記事失於泛畧則非實錄必事事之顛末考之加詳訂之加密然後滄海不歎遺珠崑山不混玉石予因是承其志復次其事之先後考其事之是非類編以成帙焉將壽諸梓又屬予序之夫修志固賢侯之盛心而作志之綱目務在畢舉事實必

潛江縣志

卷首

舊序

貴綜核尤見其學識之克周顧予安敢辭以固陋乎切惟古之居一里者生男必閤史書之是一里猶有志也况一邑乎邑志合而後為郡志郡志合而後為國志國志合而為天下統志從古為然昔我英宗睿皇帝臨御之日萬幾之暇乃命儒臣合列國之志編成大明一統志昭示天下於戲是書乾坤之量包括乎宇宙日月之光照耀乎古今猶歟盛哉顧茲邑志草創不易討論尤核固亦曰備他日郡國之采也然綱目絕無舛戾事蹟頗自精詳非承賢侯之志烏能成此一邑之書乎侯



名華字文美其操心爲政固見於名宦傳中若其大修學校振作士氣裁革弊政休養生民尤其所急故併書之以告將來弘治壬戌孟春潛江縣教諭豐城崔峯撰

又

邑固有志乎曰有晉乘楚檣杙非志也與哉志可爲史乎曰不可史具善惡志有善無惡史以年紀月月紀日日紀時時紀事志詳於事而年月日時錯見非史體也然則志遂不可爲史乎曰謹詳異悉疆界蒐財賦列入物明時制輯百家衆技採言行之善者著于篇亦古史

潛江縣志

卷首 舊序

二

遺意也志不史而史也潛爲邑弗肇于古禹貢書浮于潛傳云自漢出爲潛潛四境皆漢四百里而合于江今之潛由古之潛舊隸于荆爲屬邑世皇纂統割入郢遂爲郢地郢屈宋故墟也山川錯麗至潛盤迴漫衍人文之盛幾與郢等余至潛甫下車卽詢邑乘漫滅無紀慨然請之憲臬旣得允則遍就縉紳先生之廬而訪焉因開局延憲副歐陽君侍御劉君令尹李君董其事而以文學李生張生先後校輯自春迄冬越九月成編凡天文輿地建置戶口物產錢幣人物技藝畢舉興革之際



間有取裁焉因悉出俸帑付劓劓民即不敢方之古亦  
近日之良史也雖然余嘗謂潛有三美五蠹其君子秀  
而文其小人朴而野其俗質俚而鮮浮僞畏吏議甚於  
蛇蝎是爲三美皇莊王田錯壤而列佃民挾倨縣官不  
能制北受襄川之流南接荆岷之派春夏水溢防隄稍  
疎衝啣爲患田廬滄蕪時漂溺於洪濤巨波之間人無  
百年之業土廣人稀歲歉四方就食歲稔還閭里閭輒  
稱祖墾有數十年之後易姓受戶而爭訟突出有司不  
察憐其流移輒與收復遂釀成絕戶佃價之說以爲是

潛江縣志

卷首 舊序

三

固當然地接襄郢通景沔荆江四通之途差使往來絡  
繹不絕養馬之家什九什八逃移一歲數易給募  
更替四顧郊垆無高山大阜之隔民易轉徙爲奸惡則  
竄匿莫可究詰是爲五蠹具三美兼五蠹余欲削蠹以  
全美而力不能今且搜括四出而民生日耗矣司牧者  
奈之何其以邑全也噫美者自美是務崇之蠹者爲蠹  
是務委曲調停之是在良有司耳此又誌外遺意也是  
爲叙時萬曆庚子初冬吉日

賜同進士出身文林郎知潛江縣事婺源潘之祥撰



又

今天下郡國州邑率有志義不過隨其疆上風氣民物  
謠俗之常而布諸方冊以爲觀省者據跡爾非屑屑焉  
續綴焉耳目張也余觀禹貢周職方則固志邑者權輿  
矣今言之抑何其瑣悉而近俚也夫其出賦有高下墳  
壚有黎赤九鎮九澤不同區五戎八蠻不同服列而載  
之宜也乃若篠簜箛輅淮贛江龜海錯之纖繁以至於  
男女閨闈村落器資等物至微至賤有閭井小民所不  
能口之公同縉紳先生所不及形之顧問者而二經咸

潛江縣志

卷首 舊序

四

取而收載之不遺餘力求所謂殊原勝聞魁閎綺麗之  
語則寥寥無少概見焉然後知古聖人紀蹟命意無一  
非根于方域因乎民生日用而罔所庸浮文羨節也輒  
近學士家厭薄一切飲食居處而恢輝之卽有事于輶  
志者延英分局歷以歲時剗剗而著行豈不亦哀然足  
術乎乃覈其中之就實焉幾如矣故討論疎則掛漏雜  
出黨附入則諛貶互乖甚者管窺道聽之見害且移騁  
于城郭陵谷焉余嘗觀水經所紀洪源東駛沿襄郢達  
內方折於蘆泐河始支遶而滙蓄爰是爲潛水然則潛



固水之注也今縣以水名田漁相半能無虞於氓粒乎其區夙隸吾南郡自皇祖龍飛安陸升州爲府割潛而附之遂號湯沐左臂輿塞之隩要視昔更倍願數十年以來漢益不用其道民幾爲魚而比者公家渙今日新中涓虎翼而咆哮於祖宗根本之鄉直弁髦而視之長民者日兢兢奉行救過爲地方計旦夕之命之不給而尚及於典籍風教乎是其居地之重旣若彼值時之艱又若此蓋非志邑難志潛之邑難非志潛之邑難志潛之邑於今日爲誠難也維潘君以制科發家蒞事甫數

潛江縣志

卷首

舊序

五

月政通民和百廢釐飭乃孳孳封井民社之寄而首念于斯爰請于監司卜祥設館禮下鄉大夫士之賢者某某編摩裁潤諸所因革廢置出侯正定者半以紀表志傳欵爲四目起自縣紀天文以第于藝文諸類凡十五卷余卒業而覽之本末兼備先後有緯其條列若鱗之次其評確若城之森將令後之按圖而考方里援帙而友文獻者若身履而目擊燭照而數計無毫末爽也則侯之功詎非卓歟獨媿余不嫻于詞侯乃遺之書曰潛本荆屬大夫起跡于荆其勿忘桑梓幅壤以一言冠其



簡端也嗟夫以荆視潛潛邑而荆則郡以余視荆與潛  
潛隣而荆則居其劇滅遠邇有差矣乃今荆志未歸于  
當余寧坐視而三緘而侯命之辱顧欲持不腆以塵潛  
諸君子之成編余則安能不避席而謝不敏哉雖然古  
者列國均有史世史職之邑之志卽國之史也余典在  
掌故三十載迨今髮日短矣旣無能撝管以鋪陳南郡  
之風土文物而又不能藉近邑之寵光以抒其違鬱焉  
是愈隳其職也故因侯之請也聊取衷于禹貢周職方  
之旨旁鑒于叔季飾靡之非申之以令侯之休嘉終之  
潛江縣志

卷首 舊序

六

以本領之慚缺而脫草以副鈇擇焉已爾如猥云將必  
假丘壘之談而首括斯刻也則中自有合邑諸大夫之  
記撰在萬曆庚子仲秋月  
賜進士第通議大夫禮部左侍郎兼翰林院侍讀學士  
總裁正史經筵講官江陵劉楚先撰

又

黃昔觀風於大江之南北歷十五郡凡所至咸先以志  
書呈覽一展卷則山川之形勝戶口之多寡職役之輕  
重人物之事實罔不畢載燦然如指諸掌此蓋昉於周



禮小史掌邦之志而作廵歷縣之不可無者也吾潛  
江漢朝宗之區爲天子湯沐邑鍾和毓秀神化誕敷  
人文彬彬稱盛矣而志獨缺然萬曆庚子春邑大夫潘  
公以名進士銜命來蒞茲土爽朗慈祥愛民禮士杜苞  
苴清訟獄齊以禮教未嘗一切繩之以法甫五月政通  
人和駸駸然向治矣偶爾詢及縣志久廢歎曰文獻之  
邦志胡可少乎此有民社者責也遂請於當道可其議  
廵開局延賢謬屬寅以編摩之任且曰夫志也往者不  
書則遺存者特書則設諸公其慎之寅承委與諸君子

潛江縣志

卷首

舊序

七

夙夜以興採之遺文訪之故老循其舊章益以新制別  
欵分目辨疑叙類始之以縣紀天官紀輿地紀秩官表  
人物表次之以建設志秩祀志學校志土賦志防圍志  
又次之以名宦傳人物傳貤封傳藝文志二共十五卷  
閱月稿就大夫取而視之喜曰是志也事核而不浮例  
確而不虛淑慝以著往美刺以誨來潛其可觀矣乎大  
夫復親爲釐正潤色之俾益詳盡典雅於是付之剞劂  
以成一邑曠世之典然是編也可以信今傳後亦不過  
紙上陳迹耳大夫之誠懇孚於士庶美意通於良法端



本出治要不在於言語文學問者志天地則思所以經緯之焉河防則思所以保障之焉土賦則思所以封殖之焉學校則思所以作興之焉秩祀則思所以感格之焉名宦則思所以匹休之焉鄉賢則思所以崇禮之焉思孝節義則思所以表揚之焉不徒爲虛文而皆見之於躬行不徒爲今日之美觀而爲將來之取法此大夫之志也亦大夫之所優爲也用以維持世道保乂黎庶而聲施於後世者不朽昔子游仕魯而武城之名彰邑有大夫吾潛之名不益重耶斯時洪濤爲殃權稅繁重

潛江縣志

卷首

舊序

八

大夫禦災捍患薄歛緩征城垣護之磚石門庭爲之改觀諸凡舖舍堤坑漸次修築而於民無擾四境藹然春風而堂以內則湛若秋水此潛民一時之幸百年之奇逢也因此併及之而叙諸末簡萬曆庚子歲仲秋日申順大夫江西南安府知府前南京都察院山東道監察御史奉勅巡按直隸兼巡視京營京倉邑人劉寅頓首撰

又

古者列國有史自秦罷侯置縣畫疆而理令之分土視



諸侯于是縣各有志志卽列國史也相沿舊矣潛志選  
無論已卽明興二百餘年亦浸浸文物而志獨未備豈  
載筆之難孔子所稱闕文者耶抑當事者視所履蘧廬  
而姑置之也昔人謂史關世運隆替豈以志而無與于  
政哉先是明山朱父母蒞吾潛興廢舉墜會慨邑志之  
久缺而欲事纂編未幾聞擢以去事遂寢至于今今新  
都潘使君之來也下車問俗卽謀之衆鄉大夫曰某忝  
茲土不察於方域之故輒諏諸掌故無聞焉語曰不習  
爲吏視已成事今茲邑志之無稽也何所審已事乎惟

潛江縣志

卷首 舊序

九

諸大夫其圖之于是諸鄉大夫自相可否僉謂憲副歐  
陽君~~憲~~御劉君西鄉尹李先生長年博聞宜共授簡更  
屬二三文學相與校雠而共成之侯亦時出意指躬親  
訂正蓋閱數月而有全書矣立凡起例別類分門總爲  
若干卷以披輿圖則奠麗析矣以綜建設則保乂明矣  
以診機祥則時恒辨矣以謹秩祀則明禋昭矣以稽食  
貨則役歛有經矣以列職官則鑑戒有別矣以覈人物  
則美刺有章矣以錄選舉則揚勵有據矣以採藝文雜  
記則述作有徵矣一展卷而上下數百年往跡遺聞居



然目前今後來者考古鏡今可信可傳而無不足無徵之歎侯之此舉真擴前人所未有哉程伯子曰爲政須要有綱紀文章侯之謂矣乃愚手斯志而重有感也蓋聞長老言往邑中人若力作雖椎魯少文而生事饒邇年閭里蕭條什倍曩昔蓋城郭是而人民非矣何重困若是也往邑中俗近靡其民靜而守禮或老歿不窺縣門邇年混沌稍鑿漸知訟漸亾等亦有敗羣梗類如賈太傅之所痛息者何漸靡若是也易曰剝其復語曰旣雕旣琢還返于朴其在侯之今日耶昔天子省方則命潛江縣志

卷首 舊序

十

大史陳風用以觀民情而設政教侯加意民故加意于志愍乃觀志之成而述所聞于父老者若此愷悌若侯未占有孚行且振今日之潛以還復故老所聞所見則此志豈惟因侯以成亦因侯以重矣

又

吾邑舊有志也歲久而逸先是明山朱公銳意更新未竟也越二十年得今新安潘侯侯淵識博學外朗中融蒞政未幾吏習而民安之乃自公委蛇日綜簡編思夫



邑志弗新而譌漏踵襲烏在其爲文獻之邦也者設局  
公署萃諸大夫暨文學輩若而人揚摧今古幾閱月而  
志成視左氏三春構思十載而就抑何穎捷也顧余因  
有感焉夫志猶史也以識見聞亦以垂誠勸以攷往蹟  
亦以風後來昔王澄問陳留人士吏舉蔡子尼江應之  
其他官位弗及也澄歎曰舊名此邦風俗今小吏亦爾  
蓋古人所謂土風以道德爲重如此吾邑風俗素淳謹  
朴茂今雖不無小異然田家作苦冠帶之族暮禮朝詩  
鮮詣竄奇袤黠僞之習眎他邑差勝焉一變至道要在

潛江縣志

卷首

舊序

十一

長吏率先訓植之而里中士益兢兢名行爲衆庶倡將  
不稱是愚不朽是圖則邑之所爲重而聞風興起者多  
茲志之覽鏡爲侯之加惠吾邑寧有量耶其地湘漢襟  
環解宇廢遺藝文風雅沿革變遷卽備錄靡遺文具爾  
矣何當於訓世礪俗而更新爲侯聞而善之曰是吾志  
也夫是吾志也夫萬曆庚子秋月邑人柴恪拜書



潛江縣志卷首

潛江縣志卷首

知縣事劉 煥纂修

邑人朱載震編著

門人劉連俊校正

圖考

圖先於書古人不事摛討簡冊而山川疆域城郭宇廨  
河渠村市千百世在蹟如指諸掌此鄧侯收圖籍而知  
強弱扼塞之數也潛江建邑非古控帶荆鄂聯絡漢沔  
圖其創置復故更新者一寓目而識廢興守土之功大  
矣作圖考

潛江縣志

卷首 圖考

一






# 圖池城縣江潛

## 潛江縣志

## 卷首 圖考

二







江蘇縣志圖

卷首圖考

卷首圖考

三







三原縣志

卷首圖考

四






潛江縣志

卷首圖考

五





潛江縣志目錄

知縣事劉煥纂修

邑人朱載震編著

門人劉連俊校正

卷首

潛江縣境總圖 潛江縣城池圖

潛江縣縣治圖 潛江縣儒學圖

凡例 十則 姓氏

卷之一

縣紀

潛江縣志 卷首 目次

沿革

卷之二

天官志

分野 災祥

卷之三

輿地志

形勝 疆域 山川 鄉區

卷之四

建置志



城郭 縣治 公署 官宇 倉廩 舖舍  
驛司 關廂 坊表 街衢 井 橋梁  
津渡 市鎮 兵防

卷之五

學校志  
廟制 附書院

卷之六

賽祀志  
壇壝 廟祠

潛江縣志

卷首 目次

卷之七

賽祀志下  
梵刹 道院

卷之八

風土志  
風俗 古蹟 墟墓 別墅 義阡 物產

卷之九

賦役志  
石口 田地 稅糧 起糶 存畱 俸役



驛站 均徭 走遞 祭祀 賓興 典禮  
支備 裁解 雜稞 藩租 班匠  
附 裁關稅

卷之十

河防志

卷之十一

秩官志上

知縣題名 縣丞題名 主簿題名  
典史題名 教諭題名 訓導題名

潛江縣志

卷首 目次

三

卷之十二

秩官志下

知縣宦蹟傳 縣丞宦蹟傳 典史宦蹟傳  
教諭訓導宦蹟傳

卷之十三

選舉志上

薦辟 進士 鄉舉 貢士

卷之十四

選舉志下



監生 召試 武科 武胄 封贈 恩廕  
賓耆 吏員 義官

卷之十五

人物志

列傳

卷之十六

人物志

列傳

卷之十七

潛江縣志

人物志

卷首 目次

四

忠節

孝友

隱逸

義行

卷之十八

人物志

少貞

寓賢

方技

縑黃

卷之十九

藝文志上

五言古詩

七言古詩

五言律詩

七言律詩

五言絕句

七言絕句



附 閨秀

卷之二十

藝文志下

疏 記 序 書 文 稊著

潛江縣志目錄終

潛江縣志

卷首 目次

五



凡例十則

一輯潛志者始則廣文豐城崔君紀成化以前事嗣則  
邑侯婺源潘公與鄉先生歐陽副使劉侍御李西鄉  
三公紀萬曆以前事繼則邑侯邵陽王公與先君子  
洎懷遠向公文學李子世儒余小子載震紀康熙庚  
戌以前事崔潘二志久已無板予家舊藏有崔志雕  
本潘志則鈔寫流傳文義簡陋字畫訛舛王志纂修  
將成道軍興蠶午王侯旋奉 內擢卒無完帙故體  
例未全由萬曆庚子至今九十五年間事蹟缺如邑

潛江縣志

卷首 凡例

六

侯清澗劉公慨然創修屬載震編輯之任數百年因  
革損益極費探討徵實補畧彙成二十卷蓋亦述者  
之事耿耿苦心讀者其尙鑒諸

一邑中庶務雖多賦役河防其大端也故于利弊所在  
不憚疊疊詳之其裕 國恤民之意不免深憂過計  
情見乎辭豈敢曰垂永久之鑒戒乎譬如醫者之集  
古方聊使後之治療者可資討論云

一名賢蒞吾潛者良法美政大書特書不一而足其瑜  
不掩瑕者亦不能曲諱焉或曰居是邦不非其大夫



且如其後府怨何余曰不聞孫盛書枋頭之敗吳兢  
拒張說之請乎知耶罪取庶其職之

一選舉無論官爵崇卑槩登名氏有遇

特恩異數者獨表出之至貢士原非一項有歲拔恩選  
之異名自辟舉外次進士次舉人次某貢次監生次  
武科次廕生蓋

朝廷設科既殊自不得不區分之若云前後有所軒輊  
則司馬相如獨非貴耶鄭令公獨非武舉李太尉獨  
非任子乎

潛江縣志

卷首 凡例

七

一舊志人物如張總制師載之功業初御史杲之忠直  
歐陽太僕東鳳之清德張徵君承宇之文學默石子  
之隱逸此兒童所能口其軼事其爲序述不待搜求  
嗣後前輩名公鄉固自不乏然世遠年湮必其後人  
以譜牒家乘行狀墓志不吝見示始有所徵信爲之  
紀傳否則人雖齊聖亦不能憑空結撰非敢私意擇  
取于其間也識者亮之

一女貞舊志所載外新列傳者十有五人豈濫費筆墨  
皆博士弟子鄉耆里族公論呈請於邑侯覆勘于儒



學送付志局始得命管呈牘具在可爲左證  
一封贈榮及先世所以寵勞臣也 龍章天語誰能假  
易今封贈志皆確有 誥勅實據者卽經追奪亦列  
其姓氏不然雖久膺顯秩而 覃恩未被亦不敢妄  
爲紀載以滋欺罔冒濫之譽

一疏議書記古今體詩必其關切地方引證人事始酌  
而存之或附見于本人本事之下其古蹟別墅憑弔  
游覽名賢題詠備錄其佳者地以人重也餘則彙爲  
藝文志二卷匪是雖雄文大篇昔經採取今皆僭爲  
潛江縣志 卷首 凡例 八

刪去蓋志乘與名家專集不同若但賞其詞翰一概  
均收寧止汗牛充棟

一潛地平行舊志有靈壽山今弗仍載以爲附會至漢  
壽亭侯之俞潭城姚文公之讀書臺先聖賢遺蹟足  
爲地方增色詎聽其湮沒失攷與若他景間有隳廢  
相沿已久姑因其舊

一斯志不揣愚謬獨抒管見以成一書邑侯劉公時相  
討論鏤板之費悉侯所捐功德鉅矣後之賢者踵事  
增華續輯甚易但板宜典守收貯戒其翻刻私改庶



能歷久傳信至其博訪碑乘旁搜事實以備撰述劉  
生連俊之勤不可沒也法得備書

邑人朱載震謹識

潛江縣志

卷首 凡例



纂修姓氏總目

明

成化壬戌年

纂修 史華 字文美 陝西渭南人 知潛江縣事

編者 崔崧 字道岑 邑教諭 江西豐城人

萬曆庚子年

纂修 潘之祥 字伯和 江南婺源人 知潛江縣事

編者 歐陽栢 字惟承 邑人 劉寅 字敬甫 邑人

李鳴 字和載 邑人 校張鎬 邑士 李秉仁 邑士

潛江縣志 卷首 總目 十

國朝

康熙辛亥年

纂修 王又旦 字功華 陝西郃陽人 知潛江縣事

編者 朱士尊 字傳臣 邑人 向大觀 字望瀟 邑人

校者 李世儒 字次山 邑士 朱載震 字悔人 邑士

康熙癸酉年

纂修 劉煥 字文山 陝西清澗人 知潛江縣事

編者 朱載震 字悔人 邑人

校者 劉連俊 字遐曠 邑士 莫扈儲 字暉農 邑士



重修潛江縣志姓氏

纂修

知潛江縣事劉煥清澗人 貢監

編著

邑人朱載震教習候選 知縣歲貢

系圖

儒學教諭王沂生武陵人 歲貢

儒學訓導宋一俊黃岡人 歲貢

提調

潛江縣志

卷首姓氏 士

水利主簿劉麟趾濟南人

史郭嘉瑤安陽人

校正劉遵俊邑士 莫扈儲邑士

彙次莫鸞偉邑士 朱秉銓邑士

向天樞邑士 朱石鉉邑士

督梓書吏雷遠辦事胡文 陳迪

膳錄書吏王加珍陰陽生 龔鼎

梓人戴持珣戴介孺

蔡聖思戴效安戴恭仁